

AKASHVANI(AIR)
RNU:KOLKATA
BengaliText Bulletin

Date 29-12-2025

me: 7.35 A.M.

বিশেষ বিশেষ খবর –

- ১) সহজে ব্যবসার অনুকূল পরিবেশ তৈরির জন্য রাজ্যগুলিকে অগ্রণী ভূমিকা পালনের আহ্বান জানিয়েছেন, প্রধানমন্ত্রী নরেন্দ্র মোদী।
- ২) প্রধানমন্ত্রী বলেছেন, যুব শক্তির কারণে সমগ্র বিশ্ব ভারতের দিকে বিপুল প্রত্যাশা নিয়ে তাকিয়ে আছে।
- ৩) সাংগঠনিক বৈঠক সহ এক গুচ্ছ কর্মসূচী নিয়ে আজ রাজ্যে আসছেন বিজেপির শীর্ষ নেতা তথা কেন্দ্রীয় স্বরাষ্ট্রমন্ত্রী অমিত শাহ্।
- ৪) এস আই আর-এর গুনানি পর্বের অগ্রগতি পর্যালোচনা করতে নির্বাচন কমিশনের প্রতিনিধি দল আগামীকাল রাজ্যে আসছে।
- ৫) বাংলার দুর্গোৎসবের সঙ্গে জড়িত শিল্প, সংস্কৃতি এবং ঐতিহ্যকে দেশ-বিদেশের মানুষের সামনে তুলে ধরতে আজ নিউটাউনে দুর্গাঙ্গণের শিলান্যাস করবেন মুখ্যমন্ত্রী মমতা ব্যানার্জী।
- ৬) রাজ্যের প্রায় সর্বত্রই শীতের আমেজ।

oooooooooooooooooooooooooooo

প্রধানমন্ত্রী নরেন্দ্র মোদী সহজে ব্যবসার অনুকূল পরিবেশ তৈরীর জন্য রাজ্যগুলিকে অগ্রণী ভূমিকা নেবার আহ্বান জানিয়েছেন। গতকাল নতুন দিল্লিতে মুখ্য সচিবদের জাতীয় সম্মেলনের শেষ দিনে ভাষণে শ্রী মোদী বলেন, বিশ্বমানের কোম্পানীগুলিকে বিনিয়োগে উৎসাহী করতে রাজ্যগুলিকে উন্নত পরিকাঠামো গড়ে তুলতে হবে। তিন দিনের সম্মেলনের ভবনা ছিল, বিকশিত ভারতের জন্য মানব সম্পদ। ভারতের বৃহৎ জনসংখ্যার সুবিধার কথা উল্লেখ করে প্রধানমন্ত্রী বলেন, দেশের ৭০ শতাংশের বেশি মানুষ বয়সে শ্রমের উপযুক্ত। এই মানব সম্পদকে ব্যবহার করে ভারত ঐতিহাসিক সুবিধা তৈরি করতে পারবে। পাশাপাশি ভারত অর্থনৈতিক অগ্রগতির সঙ্গে বিকশিত ভারত গঠনের লক্ষ্যে এগিয়ে যেতে পারবে বলে জানান তিনি।

০০০০০০০০০০০০০০০০০০০০০০

প্রধানমন্ত্রী নরেন্দ্র মোদী বলেছেন, ভারতের যুবশক্তির কারনেই সমগ্র বিশ্ব ভারতের দিকে অত্যন্ত আশার দৃষ্টিতে তাকিয়ে আছে। গতকাল আকাশবাণীতে মন কি বাত অনুষ্ঠানে শ্রী মোদী বলেন, আগামী মাসের ১২ তারিখ স্বামী বিবেকানন্দের জন্মবার্ষিকী উপলক্ষে 'জাতীয় যুব দিবস' উদযাপন করা হবে। ঐদিনেই 'ইয়ং লিডার্স ডায়ালগ' এরও আয়োজন করা হবে।

(বাইট – যুব দিবস)

প্রধানমন্ত্রী, এন্টিবায়োটিকের যথেষ্ট ব্যবহারের বিষয়ে দেশবাসীকে সতর্ক করে দিয়েছেন। তিনি বলেন, ইন্ডিয়ান কাউন্সিল অফ মেডিকেল রিসার্চ আইসিএমআর-এর সাম্প্রতিক কয়েকটি রিপোর্টে দেখা গেছে, নিউমোনিয়া এবং ইউটিআই এর মত সমস্যার ক্ষেত্রে অনেক সময় অ্যান্টিবায়োটিক কার্যকর হচ্ছে না।

বন্দে মাতরম এর সার্বশততম বর্ষে উদ্দীপনা ও উৎসাহ দেখানোর জন্য
প্রধানমন্ত্রী জনগণের প্রশংসা করেন। তিনি

জনগণকে '#VandeMataram150' হ্যাশট্যাগ ব্যবহার করে তাদের বার্তা ও পরামর্শ পাঠানোর অনুরোধ করেছিলেন এবং এই প্রচারাভিযানে দেশবাসী অংশগ্রহণ করায় তিনি আনন্দ প্রকাশ করেন।

০০০০০০০০০০০০০০০০০০০০০০

নিউটাউনের রাজারহাট গোপালপুর তিন নম্বর মন্ডলে উদয়নপল্লী এলাকায় বিজেপি নেতা কর্মী ও স্থানীয়দের সঙ্গে মন কি বাত শোনে কেন্দ্রীয় প্রতিমন্ত্রী সুকান্ত মজুমদার। সুকান্তবাবু বলেন, দেশের সমস্যা নিরসনে দেশের যুব সম্প্রদায় এগিয়ে এসেছে।

(বাইট – সুকান্ত)

পূর্ব মেদিনীপুরের নন্দীগ্রামে ১৬৩ নম্বর বুথে স্থানীয় বাসিন্দারা একত্রে বসে প্রধানমন্ত্রীর মন কি বাত শোনে। উপস্থিত ছিলেন বিরোধী দলনেতা শুভেন্দু অধিকারী।

আলিপুরদুয়ারে গতকাল প্রধানমন্ত্রীর মন কি বাত শোনে সাংসদ মনোজ টিগ্লা। পরে সাংবাদিকদের কাছে তিনি বলেন, বিকশিত ভারত জি রাম জী আইন দেশের উন্নয়নে এক গুরুত্বপূর্ণ পদক্ষেপ। এই আইনের ফলে জবকার্ধধারীরা আরও বেশি দিন কাজ পাবে।

নদীয়ার কৃষ্ণনগরে বিজেপি কৃষাণ মোর্চার উদ্যোগে প্রধানমন্ত্রীর মন কি বাত শোনানো হয়। প্রায় ৫০০ জন কৃষক সেখানে উপস্থিত ছিলেন।

০০০০০০০০০০০০০০০০০০০০০০

সাংগঠনিক বৈঠক সহ একগুচ্ছ কর্মসূচিতে যোগ দিতে আজ রাজ্যে আসছেন অন্যতম শীর্ষ বিজেপি নেতা তথা কেন্দ্রীয় স্বরাষ্ট্রমন্ত্রী অমিত শাহ। আগামীকাল এবং বুধবার রাজ্য বিজেপির পদাধিকারীদের সঙ্গে একগুচ্ছ সাংগঠনিক বৈঠক করবেন

তিনি। ভোটমুখী পশ্চিমবঙ্গে দলীয় রণকৌশল নিয়ে আলোচনা হবে বলে মনে করা হচ্ছে। রাজ্য বিজেপি সূত্রে খবর, আজ সন্ধ্যায় কলকাতা পৌঁছে বিধাননগরে সংক্ষিপ্ত বৈঠক সেরে শ্রী শাহ রওনা দেবেন হোটেলের উদ্দেশে। মঙ্গলবার বিধাননগরে বেলা ১২টা নাগাদ একটি সাংগঠনিক বৈঠক করার কথা রয়েছে তাঁর।

০০০০০০০০০০০০০০০০০০০০০০

ভোটের তালিকার বিশেষ নিবিড় সংশোধন বা SIR প্রক্রিয়ার শুনানি পর্বের অগ্রগতি পর্যালোচনা করতে নির্বাচন কমিশনের এক প্রতিনিধি দল আগামীকাল এ রাজ্যে আসছেন। দলে রয়েছেন সিনিয়র ডেপুটি ইলেকশন কমিশনার জ্ঞানেশ ভারতী, প্রিন্সিপাল সেক্রেটারি S B জোশী, আন্ডার সেক্রেটারি অভিনব আগরওয়াল। প্রতিনিধি দলটি শুনানি পর্ব নিয়ে রাজ্যের মুখ্য নির্বাচনী আধিকারিক মনোজ কুমার আগরওয়াল-এর সঙ্গে বৈঠক করবেন। পরদিন ৩১শে ডিসেম্বর প্রতিনিধি দলটি দিল্লি ফিরে যাবেন বলে রাজ্যের মুখ্য নির্বাচনী আধিকারিকের দপ্তর সূত্রের খবর।

০০০০০০০০০০০০০০০০০০০০০০

রাজ্যে এসআইআর প্রক্রিয়ায় সর্বাধিক গুরুত্বপূর্ণ অবদানের স্বীকৃতি স্বরূপ আগামী ২৫ শে জানুয়ারি জাতীয় ভোটের দিবসের অনুষ্ঠানে নির্বাচন কমিশন বুথ লেভেল আধিকারিকদের পুরস্কৃত করবে। রাজ্যের মুখ্য নির্বাচনী আধিকারিক মনোজ কুমার আগরওয়াল জানিয়েছেন, প্রত্যেক বুথ লেভেল আধিকারিককে একটি শংসাপত্র দেওয়া হবে। এই বিষয়ে ইতিমধ্যে ইআরওদের নির্দেশ দেওয়া হয়েছে।

উল্লেখ্য, এবার জাতীয় ভোটের দিবসের অনুষ্ঠানও হবে বিএলও কেন্দ্রিক।

০০০০০০০০০০০০০০০০০০০০০০

বাংলাদেশি কিংবা রোহিঙ্গা চিহ্নিত করার দায়িত্ব নির্বাচন কমিশনের নয়, বরং সাংবিধানিক সংস্থা হিসাবে SIR প্রক্রিয়ার মাধ্যমে ভোটের তালিকা নির্ভুল রাখার কাজ তারা করছে বলে বিজেপি রাজ্য সভাপতি শমীক ভট্টাচার্য্য মন্তব্য করেছেন।

বাংলার ঐতিহ্যবাহী দুর্গোৎসবের সঙ্গে জড়িত শিল্প, সংস্কৃতি ও ঐতিহ্যকে বছরভর দেশ বিদেশের মানুষের সঙ্গে তুলে ধরতে আজ নিউটাউনে দুর্গাপূজার শিলান্যাস করবেন মুখ্যমন্ত্রী মমতা ব্যানার্জি। শিলান্যাস ও ভিতপুজোর পরই শুরু হয়ে যাবে নির্মাণের কাজ। তিন বছর আগে কলকাতার দুর্গাপূজো ইউনেস্কোর ‘ওয়ার্ল্ড ইনট্যানজিবল হেরিটেজ’ তকমা পাওয়ার পরই রাজ্য সরকারের তরফে দুর্গাপূজোর

২০২৫ এর শেষ লগ্নে এসে পৌঁছেছি আমরা। এবছর জাতীয় নিরাপত্তার প্রশ্নে ভারত বেশ কিছু গুরুত্বপূর্ণ সিদ্ধান্ত নিয়েছে। যে কোন মূল্যে দেশ তার সার্বভৌমত্ব রক্ষা করতে প্রস্তুত, বছরের শুরু থেকেই এই বার্তা দিয়েছে ভারত। একটি প্রতিবেদন -

বহিষ্কৃত তৃণমূল কংগ্রেস বিধায়ক হুমায়ুন কবিরের নিরাপত্তারক্ষী পুলিশকর্মীকে মারধরের অভিযোগে তার পুত্র গোলাম নবি আজাদ ওরফে রবীনকে গতকাল প্রায় ৭ ঘন্টা জিজ্ঞাসাবাদ করার পুলিশ। নিরাপত্তা কর্মীর অভিযোগের ভিত্তিতে শক্তিনগর থানার পুলিশ বেলডাঙা দুই নম্বর পঞ্চায়েত সমিতির পূর্ত কর্মাধ্যক্ষ রবীনকে বাড়ি থেকে নিয়ে যায়। জিজ্ঞাসাবাদের পর ছেড়ে দেওয়া হলেও হুমায়ুন ও তাঁর পুত্রের বিরুদ্ধে অভিযোগ দায়ের করেছে পুলিশ।

বাঁকুড়ার বিষ্ণুপুর মেলায় অভিনেতা জিতের অনুষ্ঠানকে কেন্দ্র করে ব্যাপক গন্ডগোলার খবর মিলেছে। অনুষ্ঠান দেখতে প্রচুর মানুষ ভীড় করলেও পর্যাপ্ত নিরাপত্তা ব্যবস্থা ছিল না বলে অভিযোগ। রাত সাড়ে ৮-টা নাগাদ অভিনেতা ও তার সহ শিল্পীরা মঞ্চে উঠতে কাতারে কাতারে মানুষ মঞ্চার কাছাকাছি যাবার চেষ্টা করে। উত্তেজিত দর্শকদের একাংশ মঞ্চার সামনে থাকা একাধিক ব্যারিকেড ভেঙে ফেলেন।

গুঁড়িয়ে দেওয়া হয় কয়েকশো চেয়ার। পরিস্থিতি সামলানোর জন্য পুলিশ লাঠি চার্জ করে বলে জানা গেছে। অল্পবিস্তর আহত হয়েছেন অনেকেই।

যদিও লাঠিচার্জের অভিযোগ অস্বীকার করেছে পুলিশ, বিষ্ণুপুরের এসডিপিও – সুপ্রকাশ দাস বলেন, সুপারিকন্সিতভাবে গুজব ছড়ানো হচ্ছে। সব মিলিয়ে বিশৃঙ্খলার অভিযোগে ২০ জনকে গ্রেফতার করা হয়েছে বলে তিনি জানায়।

০০০০০০০০০০০০০০০০০০০০০

রাজ্যের প্রায় সর্বত্রই তাপমাত্রা বেশ কিছুটা কম থাকার সম্ভাবনা রয়েছে। আলিপুরে আজ সকালে সর্বনিম্ন তাপমাত্রা রেকর্ড করা হয় ১৩.৫ ডিগ্রি সেলসিয়াস যা প্রায় স্বাভাবিক। সর্বোচ্চ তাপমাত্রা ২২ ডিগ্রীর আশেপাশে থাকার সম্ভাবনা। পশ্চিমী ঝঞ্ঝার কারণে ৩১ তারিখ থেকে দক্ষিণবঙ্গের জেলাগুলিতে তাপমাত্রা ১ থেকে ২ ডিগ্রি পর্যন্ত বাড়তে পারে এবং উত্তরবঙ্গের দার্জিলিং ও কালিম্পং জেলায় ৩১ থেকে ২ তারিখের মধ্যে হালকা বৃষ্টি বা তুষারপাতের সম্ভাবনা রয়েছে। উত্তরবঙ্গের কালিম্পং আলিপুরদুয়ার দক্ষিণ দিনাজপুর জলপাইগুড়ি, কোচবিহার মালদা উত্তর দিনাজপুর এবং দক্ষিণবঙ্গের বেশীরভাগ জেলাতেই মাঝারি থেকে ঘন কুয়াশার সম্ভাবনা রয়েছে।

০০০০০০০০০০০০০০০০০০০০

০০০০০০০০০০০০০০০০০০০০